

Л64 4

22-499

ШКОЛЬНИКЛОН БИБЛИОТЕКА



С. Потапов

Дзольго шор

Республика Беларусь
Министерство культуры
Национальная библиотека
Минск



ШКОЛЬНИКЛÖН БИБЛИОТЕКА

Егор Потанов

ДЗОЛЬГÖ ШОР

Кывбурьяс

КОМИ КНИЖНОЙ ИЗДАТЕЛЬСТВО

Сыктывкар 1964

27499

Том коми поэт Егор Потаповлӧн тайӧ книжкаыс медводдза. Олӧ авторыс Додзь сиктын. Радейтӧ келавны-ветлӧдлыны вӧр-ватӧ, нимкодясьны пармалӧн мичлунӧн, кывзыны лӧбачьяслысь дзользьӧмсӧ. Аддзывлӧмторсӧ, кывлӧмторсӧ Е. Потапов кывзыннасӧ мичаа серпасалӧ челядьлы гижӧм кывбурьясын.

Сы йылысь, кажитчисны-ӧ тӧянлы, дона челядь, кывбурьясыс, гижӧй миянлы. Адресным: Сыктывкар, Печать керка, Коми книжнӧй издательство.

МАЙ

Шонді лымсö
Кушöдз зыргіс,
Мича тулыс
Сиктö пыргіс.
Ытва босьтö
Кыркөтшин.
Дзоридз восьтö
Мелі син.

Локтіс кымөр
Первой гымөн,
Көдзыд лым чир
Эз нин вай.
Чолөм, тулыс,
Гажа тулыс,
Видза олан,
Май!

ТУЛЫС ТАНИ!

Кутшөм ыб выв лоис кын.
Ньөжйö усьö небыд лым.
Төвлы нимкодъ: мича тулыс
Көдзыд вöсна бөр пö куліс.
Тулыс тани! Эз мун ылö,
Керка бердын ноксьö, кылö:
Войтва кисьтö радлігтыр,
Тувсов эбөс оз нин быр!

КӨРПИ

Садьмис паськыд нюр выв ді.
Чужис көрлөн ичөт пи.
Парма эрдын
Мамыс вердө,
Кыа саякйө зарни би.

Быдмы-ёнмы, дзоля лов,
Нэмтө шудаа тэ ов.
Тшыг кө лоан,
Сиктө волы —
Мыччам турун, сетам сов.

Нюмдө тэныд парма шөр.
Вод да узьышт, дзоля көр.
Коз пу улас
Мамыд нюлас,
Өввө-өввө сылас вөр.

О Ш

Тувсов төвруыс
Ройяс летө.
Ошлөн узьсьөма,
Гусьыс петө.

Пемыд гу пытшкын
Төвбыд оліс.
Муртса довъялө,
Өдва лолыс.

Югыд енэжыс
Ёрө синъяс.
Ошкыс кытшлалө
Төдсаинъяс.

ГОЖСЯ ВОЙ

Кустъяс костын ланьтö тöv,
Ыбъяс весьтö локтö чöv.
Ва дор кулик абу збой.
Гөгөр пуксьö мелі вой.

Вадйысь кайö ньöжмыд ру.
Узьмөдчöны ва и му.
Весиг пыста оз нин сьыв,
Узьö козья керöс йыв.

Ыргөн тöлысь, оз да оз,
Петлас ваö шензигмоз,
Бытьтö гажтөм сылы тан,
Öдйö тупкө чужөмбан.

ПОМИДОР

Туйсянь бöрын,
Кильчö йöрын,
Кöнi бор,
Быдтö Таня,
Быдтö Ваня
Помидор.

Мед оз косьмы,
Мед оз росмы
Петастор.
Лелькуйтöны,
Киськалöны
Рытьядор.

Помидорныс,
Донаторныс
Оз жö узь:
Ва кö юö,
Быдмө-туö
Веж да кузь

Радлө Таня,
Радлө Ваня.
Помидор
Кисьмө-воо,
Регыд лоо
Босьтантор.

КАТШЫС

Вөлі кадыс
Рытладор,
Лэдзис Катшыс
Увтан гор.

Козъя бокті,
Көні ты,
Воча локтө
Йөла шы.

Катшыс яра:
— Ув да ув!
Йөла бара:
— Гув да гав!

А кор лоис
Рытьяпом,
Асьсө увтны
Дугдіс пон.

ВЕТЛІС ВОТЧЫНЫ СТАСИК

Небыд лун төла гажаник лунө
Стасик вотчыны бабыскөд муно.

Ичөт Стасиклөн ичөт и дозйис —
Тырө вотөслөн кык-куим розйысь.

Сэсь, көн Стасиклы коскөдзыс куетыс,
Став лөз вотөссө өтитөг куштіс.

Сотысь шондыс пу костö пырö,
Чукйөн ведраыс бабыслөн тырö.

Дзуртö пашкыртчöм коз пу зэв пöрысь.
Чöдлач вотысьяс локтöны вöрысь.

ШОР

Лун көть вой, пыр öтитор
Дзольгö сёртас бердын шор.
Вывті муса сійö мем,
Сяльган шыас мичлун эм.
Шувгысь пожöм ланьтö кор,
Öтнас кольö эзысь гор.
Узьö нитшка шор дор кыр.
Тані шойччывла ме пыр.

ВÖР ВИДЗЫСЬ

Гажа яглысь паськыд от
Лун-лун видзö самолёт:
Оз-ö кöнкö билөн вын
Енэжланьö лэпты тшын?
Самолёт оз вуграв, оз...
Со нин аддзö лэбзигмоз,—
Сотчö биын пемыд вөр,
Тшынөн пуркйö парма шөр.
Сэсса самолётса морт
Сиктö лэдзö юёртор.
Войтыр чукöрмöны пыр:
Кодлөн — чер, а кодлөн — зыр.
Уна пөрöма нин пу,
Уна кодйöма и гу.
Биысь мездісны веж вөр,
Гортö локталісны бөр.

Сөмын яглысь паськыд от
Век на видзё самолёт.
Оз-ө бара билён вын
Ләпты көнкө сук съод тшын?

УТКАПИЯН

Ыпнитисны садйын
Лысва мольяс биён.
Дзивъялёны вадйын
Посни уткапиян.
Велөдчөны сунны,
Тельскөдчөны, кылө,—
Өддзөдчөны мунны
Лайкыд гыяс вылөд.
Шонді вывлань кайө.
Ышмөм төвру өвтө.
Саймовтчөны найө
Луннас эжөр пөвстө.

А Р

Ыбкай ланьтө сёртас улын,
Джыдж бөр кольө позсө.
Сьökыд кутны пелысь пулы
Банйөм корья розсө.
Енэж кисьтө рөмыд югөр,
Югөрыс век чинө.
Дыша лэбзьö дзодзөг чукөр,
Көть и шоныдинө.

ПӨРЫСЬ ВУРД

Ёль көн сялькөдчө, кылө,
Зверлы овны сән бур,
Гусьён олө да вылө
Дзормөм пася съод вурд.

Кыз да дженьыдик кока,
Уска нырыс зэв ёсь.
Ветлө пöрысьла лёка,
Оз пан ёртыскöд кось.

Пельыс сюсь на, оз ылöд:
Кылö понъяслысь шы...
Сунас, быттьöкö сылö,—
Кольö лайкыдик гы.

Ёль со сялькöдчö, кылö,
Зверлы овны сэн бур,
Гусьöн олö да ылö
Дзормöм пася съöд вурд.

А С Ы В

Яг вылын долыда овсьö,
Нимкодь мен видзöдны тан:
Миян лөнъ вөр весьтын ломзьö
Асья нэр кыалөн бан.

Ю дорö жбыркнитö съöла
Öктыны посныыдик из.
Нюр сайын шыасьö йöла.
Кондаын камöдчö сизь.

ЛЕСНИК ОРДЫН

Кор ме локті
Кыйсян банька дорö,
Кадыс вöлі
Шонді лэччандор.
Варов дедö
Чолöмасьö, корö:
— Талань волы,
Волы, кыйсьысь морт.

Рысь кодь еджыд
Дзормём тошкыс сылөн,
Чукырвизя
Сылөн чужёмбан.
Быттьö дедрён
Ыргён чужём вылын
Лэчыд гыжъяс
Нуödöма сан.

Турипувйён
Чöскыд чай ми юам,
Сёям шыд
Да ошкам пöтка көр.
Парма пиян
(Асьнымöс тадз шуам)
Радейтöны
Войвывса веж вөр.

Дедлы ошка
Выль совхозлысь олём.
Дед мен шуö,
Ягын мед ог вош,
Ноддя-бияс
Лöдсавны кызд колö,
Кызди корсьны
Пöтка либö ош.

Унатор на
Петкöдліс мен дедö:
Кызди юкны
Оти истöг тув,
Кызди налькъяс
Октавны, мед шедö
Ваын олысь
Анча либö чув.

Унзіль вылысь
Зыбкаын моз кыла:
Көнкө матын
Рукөстыштис көр.
Потандорса
Ньөжйө-ньөжйө сьылө
Өдзөс сайын
Арся пемыд вөр.

ВЕЛОСИПЕД

Өдөбөн гөнитө пегана вөв.
Пельясын шутьлялө кокньыдик төв.
Раминик чибөлы конюк, дзор дед
Ним коркө сетлөма «Велосипед».
Шонді кө саялас, абу, дерт, бур.
Тәрмасыя-ваяла юр бөрся юр.
«Велосипед» менам тэрыб да ён,
Ньөв моз дзик лэбалө нөрыс да сён.
Гожөмбыд сійө эз аддзывлы лич,
Кытчөдз эг эштөдөй медбөрья видз.
Арнас мен вайисны велосипед,
Тайө пө бур уджсьыд премия тэд.
Бара нин пельясын шутьлялө төв,—
Сикт кузя гөнитө «кокъястөм вөв».
Вердны ни юктавыны, майбыр, оз ков,
Да өд и өвадысь ньөти оз пов.

Респ. Краев. Музея
Коммунальн. ООСР

ЮРИНДАЛЫСЬ

Май	3
Тулъс тані	3
Кӧрпи	4
Ош	4
Гождя вой	5
Помидор	5
Катшыс	6
Ветліс вотчыны Стасик	6
Шор	7
Вӧр видзысь	7
Уткапиян	8
Ар	8
Пӧрысь вурд	8
Асыв	9
Лесник ордын	9
Велосипед	11

27499

Для младшего школьного возраста

Егор Васильевич Потапов

ЖУРЧИТ РУЧЕЙ

Стихи
на коми языке

Оформление *М. П. Безносова*

Редактор *В. А. Попов*

Техн. редактор *А. Н. Вишнева*

Сдано в набор 18/VI-1964 г. Подписано к печати 4/VIII-1964 г. Формат
84×108^{1/32} 0,615 печ. л. 0,31 бум. л. (Уч.-изд. л. 0,3) Тираж 1000. Ц01720. Цена 2 к.

г. Сыктывкар, Республиканская типография Управления по печати



2 коп.

КОМИКНИЖНОЇ ИЗДАТЕЛЬСТВО 1964